

四庫全書

集部

欽定四庫全書

堯峯文鈔卷四十六

翰林院編修汪琬撰

今體詩三

共一百十四首

堯華書屋閒居二首

無才甘與世相忘
塞向支扉亦不妨
茶沸竹鑪盈杓水
煙橫瓦鼎一銖香
簾旌脫落栖寒雀
窓帟分明透夕陽
若問些些貧活計
的應終日據繩牀

點點霜華兩鬢齊
敢如枯木望生梯
生涯冷澹三間屋

食料酸寒百瓮齏書為怕臨難諱拙恭緣慵算不辭低
尋春賴得身猶健屐齒重沾雪後泥

飲寒香齋

法魚糖蟹最鮮新合打頭盤不記巡持耳執杯君莫畏
可能常作獨醒人

茗華書屋前種梅花四首

和煙和月漸離披成就幽居一段奇桃杏本為妖艷客

不令闌入竹芭籬

宋人小說桃為妖客杏為艷客

草未生芽柳未勻一枝橫向短垣新不須援取孤山例
但愛梅花便可人

東風吹雪點蒼苔喜見南枝滿意開似共幽人有瓜葛
隔簾頻送暗香來

籬落曾無駐屐人獨攜濁酒酌花神
杯盤草草誰相共
吾與梅花迭主賓

自訟四首

經術何如諳吏事宦游不及守躬耕從前鑄鐵都成錯

猶自高談誑後生

檇蒲錦背元人畫金粟箋裝宋版書長物些些捐不得
謾言結習已銷除

戲擔蘋土泥茶竈間引清泉滌硯池未得修行半分力
此生垂老尚兒癡

酒闌每覺閒情在病退仍嫌妄想頻枉是杜門勤學道

雲藍小袞又任身

是歲予
生兩男

紅梅

故換風流時世妝
施朱裛錦艷斜陽
司花大有神通在
似試吳兒木石腸

贈貓

火點雙瞳黍染毫
紛紛竊齒敢誇豪
但伸四腳青氈上
已勝牀頭卻鼠刀

書屋襍興二首

去官娛晚境
屏迹謝芳時
愛狎形神影
羞評竹肉絲
古苔侵石磴
細雨漲盆池
縱使清狂在
狂名較勝癡

長物元無幾從容位置間
瓜皮鱸色綠蕉葉硯文斑
敲枕聊支倦攤書小破閒
丁寧兒女徧家事勿相關

與諸生步西虹橋入鏡水積善二菴

花辰得快晴散策出柴荆
港斷呼舟度邨深綠岸行
迎人籬下犬留客柳間鶯
一笑分僧供茶甘筍味清

料理餅中襟花二首

風日不能妨春生几硯旁
羣芳都在眼先惜杏花殤
東取最繇枝枝顏色好
惟覺小桃蕙退渠似房老

寄都門故人二首

一病龐令宿業輕
藤牀竹枕拵柴衡
故人都在雲霄上
誰倩征鴻訪死生

泉石中間一把茆
偶營寢舍結書巢
山王自是無音問
未必嵇生愛絕交

跋友人法書竟賦此

絳搆宗淳化唐臨似
右軍猊頭圈鼎款
蛇蚶袖琴紋
援証寧辭僻
摩挲未厭勤
欣然銷永日
勝策立朝勳

排悶偶成

愛移松桂刈榛管飽受餘生一味閒文字敢承唐宋後

命辰猶值斗牛間

予命主在斗廿二度

宦情冷澹甘三黜丹訣荒

唐憶九還蚤晚麤令衣食足便攜家具老深山

古今五服考異成志感

經術愁迂濶文章悔琢磨從游非籍湜願學是邱軻
隱几深沈慣明鐙誦習多此生真旦暮不朽計如何

偶成二首

無名何必更逃名洗竹澆花分外清
吾我周旋今已久只應揮手遣書生

自分文窮學復窮判無剽籍共磨礪
何郎殘客吾羞對傳語應門五尺童

荅曰緝書重訂來春見訪之約

一自魂銷青綺門屢煩書札寓殷勤
此身所幸猶強健或可明年復見君

得楚鳧湖蟹具饌作

深秋風物好小婦職砧刀肥脫麕宜雁尖團薄帶糟長
腰供輦飯短水具新醪卯人醪酒以
醇者為短水未負便便腹摩挲
老興豪

元旦作二首

人一迢迢達五湖老羸扶杖各歡呼賜酺蠲貸尋常事
今歲民田予半租

旌旗獵獵騎連連異姓諸王入覲年莫以象犀充貢篚

聖人方講旅葵篇

是日猶未
開邊警也

何人識此翁二首

或卓鳩頭杖或揮塵尾柄何人識此翁是凡還是聖
偶作行吟聲吟成不勝慨何人識此翁詩外有事在

感物四首

燕麥頗翩翩馬蘭亦嬌姁小草劇可辦寄人籬落下
古木附陵君敗垣縈薜荔物類喜攀援孤立良非易
鳩聲下雨暘鼃聲占旱潦蠢哉之二蟲自謂知天道
楂楂爭鵲謹紛紛鬬螳聚所得能幾何賈勇乃如許

光福鎮

春寒布穀啼散步向邨隄雨過泉聲急煙凝柳色低湖
魚論斗換莖蕈滿筐提稍待楊梅熟挈舟入崦西

冒雨自相城至四涇

極望承悠悠炊煙逐水流鳬鷺爭喜雨荷芰最宜秋繞
岸修殘壩當門繫小舟此中營卜築何啻似浮漚

為蘭兒作

涉世嗟予老成人念女難笑啼俱嫵媚牽抱鎮盤桓冒

雨擎荷蓋尋花間藥欄嬌癡無不可微遣暮懷寬

卧病

涼風颯颯雨霏霏旋葺南榮堦北扉槁木死灰殊寂寞
前塵昨夢故依稀嬾將服鳥占凶吉恥與尸蟲較是非

抑子厚有
罵尸蟲文

蒲倚紙衾俱好在且容形影暫相依

便道過雁湖奉訪甫草先生於學山草堂率爾

賦呈三首聊發一笑并求屬和

谿流凡數轉始得到君家香稻連畦暗疏楊護岸斜邨

深紛織絳湖近足魚蝦
搢子來看客相隨笑語譁

樣楫入柴荆兒曹識姓名何妨供小摘未可殺能鳴
楚蔓鉤衣亂谿風惹袂清時艱身老大暫此慰平生

生事五湖瀕終年穩寄身種瓜分子母詩樂記君臣文
筆老逾健交情澹更真願攜農父具來作躬耕人

贈陳均寧十二韻

羨君婁水曲栖止愜平生戶外晴波合窗中遠岫縈
女蘿牽翠密人柳弄陰輕臺為巢雲迴泉綠洗藥清
藝疏

頻按譜選石各鑄評逸興烏皮几清齋雉尾羹倡疇偕

德曜

均寧內子善詩

著述繼康成

均寧為鄭舉人士敬高弟

句向尊前覓經

從席上橫生涯餘釣具心事託棊枰遺世身難老韜才物不爭耽書元雅癖佞佛亦高情他日遺民傳懸知獨

擅名

均寧方輯吳中逸民故實作傳替

咏堯峰二首

久厭浮名夢幻同
竭東卜築亂雲中
戴顓何點堪為例
從此諸峯屬鈍翁

道逢楚翁霜滿顛問渠帝力都茫然老夫住世十小劫
猶記唐家丙子年

初置山莊二首

蟲絲冉冉冒秋槐室有煙煤徑有苔幸得好山當四面
不妨牽帥老夫來

縛帚旋除蛛網淨插籬每護藥苗新老夫到老不曉事
能幾何時作主人

咏山莊二首

水北山南地漁樵竝結鄰歲時仍漢獵風土是堯民怪
石苔侵面長松薜褭身不因村舍僻何以謝跼塵
茅茨傍墓田見者或疑僊身在人間世家依小有天劇
雲科果樹燒葉試松泉猶恨歸未曉行歌是暮年

鷺公與筠兒步月有作率爾繼之

微微月上層松頂習習風生遠岫間夜色計佳猶易辨
料應此法兩人間

料理麤華因置此硯於齋中

掃除一室作行窩，挈腳科頭樂事多。盆竹數竿微養藹，
硯山三寸小陂陀。談玄稍稍揮如意，娛疾時時藉養和。
媿得少閒差似可，不憂歲月易蹉跎。

上官有行縣，查予名號者，究其事，則風馬牛也。

戲賦二絕

長官飛檄走荒邨，謹沸青山與白雲。謝客棄官堪併紫，
不妨法吏用溪文。

曾浣蓬萊侍從班，十年姓氏墮塵寰。而今別授山人號，

管嶺堯峯一抹山

九月八日漫興

山中楓拍繞茅茨邱北邨南屐步遲生也有涯差自得
歲云將暮復何之逢迎風日醕新候揆借壺觴慰故知
雞白蟹黃滋味美不須鹽豉煮蓴絲

游鍊虛邨中女真院三首

泠泠飛瀑繞瓊階丹頂仙禽啄碧苔無數桃花齊著子
三千年賺歲星來

蘸水朱扉盡日關
樂壚拋在亂雲閒
袖中自有安期棗

煮得胡麻也是閒

女冠有辟穀
啖棗者故云

身緣酌酒媼諸真
沉落人間已一塵
縱使年年守都廁
也應同是謫僊人

贈鳳巢及禪師

結巢層石上
絕似烏窩禪
每撒懸崖手
頻垂入室拳
熟收檐角豆
清淪澗心泉
若問誅茅日
迢迢不記年

禱詩四首

淒淒颯颯雨兼風松障雲屏衛病翁
不問牀頭鬪牛螳
一秋割據睡鄉中

田間蝗蝻最紛紛獨幸安閒守白雲
糠覈菜根皆
帝力老夫一飯敢忘

君

鬢毛老去渾嫌短肺病秋來稍覺蘇
未至妨人作樂否
堆盤湖蟹配松鱸

老柳枯蒲覆綠池夕陽深處望多時
此心已是忘機了

只恐沙鷗未備知

連陰

今日少天氣連陰欲破旬
鶉姑呼雨急桮舅受霜新
松塵宜頻捉柴車嬾更巾
拍浮無不可判此倦游身

閒行四首

門前山色迴蒼蒼松鬣成陰躑躅芳
欲索解人那可得
自支桃竹立斜陽

飲罷欣然捫腹行午煙纔斷晚嵐生
莫欺老眼眊昏甚

每到看山倍覺明

褐裘布帽自由身不羨東華輭土塵
麟閣縱然多隙地
幾曾畫箇杖藜人

寥落荒谿接故臺
藤輿竹杖日裴回
市無鹽酪邨無酒
不愛看山不到來

予為諸生時嘗與方宜黃君相識今幾三十年
矣昨忽以兩絕句見示獎許過當謹和原韻寄上
敢與巢由作等倫
偶然乞得未衰身
瓜疇穀壑隨時了

保社中間一細民

絕少風流傳異日每多吟眺入新詩
城中好事能來否
恰值持螯斫鱸時

咏山中雲二首

皴於波縠淡於煙一片亭亭遠岫邊
不信剛從膚寸合
少焉便障夕陽天

遙逐龍公上下馳怪渠猶日作霖遲
虛空都被糊塗了
只在紛紛出岫時

籬邊種雜花樹

移植纔三尺何時始作林
土鬆宜細雨候暖藉輕陰
著莖常嫌晚行根特取深
鄰兒多薄劣剪伐莫相侵

皆山閣

竟日不出戶馮高興自長
谿山供畫本煙靄潤琴牀
藥草烹為饌松肪藝作香
兒童報奇事鄰荀欲捐牆

再贈道者

清都故有名浪迹到江城
湏倩山君守符令社鬼驚
攔

冠三寸小羽氅數銖輕聞說游諸嶽飛行不計程

乏酒

嫋嫋竹君穿短徑亭亭石丈俛蒼苔深山交舊俱無恙
惟欠尊前麴秀才

閒游

山靜水悠悠經行每小留檐牙啼布穀籬腳蔓牽牛澹
澹墟煙直濛濛社雨收誰言少天氣楔事正堪脩

出游書所見

絕憐春澹沲更美日舒長谿畔橫青幟籬陰露茜裳
餽頻弛擔采菌每盈筐又是祈蠶日鄰翁社事忙

書所見

已見

詔書蠲舊負又聞奏劉緩新征家家擊鼓賽蠶麥不識
長官何姓名

邨路

邨路三叉襟茅擔數尺低蒲陶纔上架護草已掀泥岡

起趨平地泉聲落廢隄病餘無一事隨意策枯藜

北屋

北屋是農家桑榆數里斜歲功占社日雨候卜朝霞伐
竹綠編苗潄泉為漚麻齊民書未熟老去發長嗟

小隱

蹤跡聊將小隱同堯峯側畔即墻東素心託寄煙雲外
習氣銷磨卷帙中漸廢敲歌綠老疾久疏絲竹為期功
予二年之中凡遇期
服一大小功各二故交都是山王比歎息無人記此翁

稻熟

恰直西風稻熟天肥雞新燒巨螯鮮長官又罷銷圩冊
最好吳人快活年

戲遣二首

間居何以養衰疲麥作餠餽菜作糜若待

賜金供會飲百年未有乞身時

苦茅架竹最艱難三尺低檐一尺欄儘著墊巾猶有礙
可能容汝切雲冠

看梅標詩四首

杖柯老榦上莓苔花信風從雪後來擬挈鄰翁相就飲
安排且放五分開

打瓦翻盆夜半聲幽人孤負愛花情梅花與雨何嫌忌
願向東皇乞快晴

刺眼繇華媚病翁未妨排日醉春風異時莫辨陶家側
溝兆緇梅萬樹中

屏迹山邨是一奇新梅夢裏邨扉任得親故曠疏濶

不到花殘不合歸

邨居十四首

有小序

予居胡巷頗久其地在堯峰之麓隨所見輒為絕句皆實錄也以代竹枝辭可爾

風色微暄日影疏
倉庚戴勝迭相呼
數家桑柳垂垂接
繪出豳風小樣圖

社酒甘酸社肉肥
醉歸爭向道旁嬉
一翁迂徑山邨下
獨避前谿略約危

柴門半掩綠楊新門外呼聲聽未真
出見兒郎謹繞擔
分明寒食賣餠人

水痕高與柳腰齊
鳩婦晨呼覺夜曉
昨雨不逢雌甲子
怱怱脩壩築新堤

家家門戶燕泥新
恰直頭蠶上簇
晨滿樹緋桃飄落盡
棟花榆莢占殘春

疊嶂回崖數里環
松林櫟隴夕陽閒
居人分住雲南北
不是樵蘇不往還

一拐扶身兩鬢星
紙標略畫卦中形
卮人不識義文課
競指渠儂打瓦靈

誰家小婦出卮行
紅綠衫襦倍覺明
信手野花隨意插
百般嬌詭可憐生

嵯岬怪石卧雲煙
次第堪將甲乙鐫
贏得太湖為下葉

一卮邪許每譴然

向以太湖石為貴
今則俱尚危峯矣

終年開館闌比鄰
握蹠卮儒據案頻
纔識租牛券中字
也將詩句苦撩人

屋腳寒蔬帶雨香不妨采擷作羹嘗出泥菜服尊車大
關路蕪菁過膝長

雪飛密密復疏疏坳凸高低一例鋪天與雲山都不辨
真擬身世在冰壺

田家餽歲徧比鄰節物雖微意倍真糗餌粉餐殊膩輒
烏菱白芋各鮮新

有舟可釣有車巾比歲栖遲寂寞瀕不必苦將名氏換
往來物色斷無人

縱筆二首

春風乍暄春晝長不游醉鄉即睡鄉
任渠謗我已仙去
鼻息雷鳴投石牀

六書未講聲與形但將俗筆臨黃庭
自分胷中無一字
如何敢錄良常銘

重葺山莊作

竹屋茅檐亦快哉中間位置出新裁
結籬欲限鄰雞入
梵徑愁妨好客來
旋瀘石泉供茗飲
豫培桐樹作琴材

暮年自笑忙如許一半童心未肯灰

過蕉龕

禪栖岑寂倪林邱高挂芒屨政好休移得蕉花侵徑長
洗殘菜葉繞谿流衰遲我作解巢燕精進君參露地牛
望望剎竿知不遠縱無新社亦來游

再過女真院

側對青山面綠谿七星幡矗畫橋西枕花依舊十千樹
勾引劉郎不遣迷

谿上

故交無復款柴荆
冷落棊奩與酒鎗
昨夜雨過谿水漲
一羣鷗鳥獨尋盟

梅花與桃李並開有感二首

忽忽又過禁煙晨
枝北依然點綴春
物論競趨紅紫艷
北花真箇作東人

一枝冷澹映斜陽
欲與鰈花並鬪香
桃李不言惟解笑
都忘渠是丈人行

邨居襟興四首

虛名逐宦游，俳語耽文賦。負負無可言，儒冠解相誤。
堯山幾疊屏，秀色如五老。中有龐眉人，僊曹屢書考。
苦費造羅槐，芽下冷淘便。使五經腹久矣，謝佳肴。
肉芝肥似掌，石髓美如漿。自分僊緣熟，今年定得嘗。


歸田

試將朝市投林杲，得失分明莫悵然。吏牒何如書繞架，
官衫未勝褐裋褌。蠅雖待立當胥史，榆莢飛來算俸錢。

若使宦游身便老也應追悔不歸田

寶雲泉

仰滴懸崖俛蔭松每生雲氣接諸峯一泓淥淨無三尺
誰信中間有伏龍



堯峯文鈔卷四十六

欽定四庫全書

集部

堯峰文鈔卷

四十七至五十

詳校官侍讀學士臣法式善

助教臣常循覆勘

總校官進士臣朱銓

校對官中書臣高 中

謄錄監生臣高伯陽

欽定四庫全書

堯峯文鈔卷四十七

翰林院編修汪琬撰

今體詩四

共一百十九首

出游

布襪青鞵策最良不嬉里社即邛莊差無婚嫁終年累
似有山林一日長減去藥囊知老健勾除酒戶為醒狂
餘醺尚藥春無恙且與游達巧鬪忙

對酒二首

泡影由來是此身，可堪重蹋軟紅塵。
上書羞學安男子，對酒愛呼中聖人。
落到酴醾春去盡，啼殘鶻鴂雨來頻。
不妨攬入雞豚社，暫作耕田鑿井民。

莫向尊前話昔游，不成歡笑只應愁。
宦途危似黃楊閤，年鬢衰如白草秋。
寮舊姓名疏易忘，貴人書札嬾難修。
惟逢漉酒持螯日，差比時賢勝一籌。

晚涼

足跣頭科萬事空，羲皇以上略相同。
礎根漸潤先占雨，

雲脚纔生欲釀風
白蛺蝶栖芳草畔
紅蜻蜓戲藕花中
晚涼滋味能專享
莫怪吳兒忌此翁

秋夜

蕭蕭涼候至
新雨間新晴
月作彎弓側
河當射角明
水螢光不定
林鳥意多驚
行坐貪清夜
中單漸覺輕

晚望

握手從容步履遲
夕陽影裏望移時
峯攢怪怪奇石
松偃高高下下枝
禪悅幸逢鄰衲印
名銜羞遣楚人知

來朝準踐登臨約澗碧山紅恰及期

柴場邨

樵徑緣山麓人煙面夕陽覆檐茅代瓦度水木為梁架
上豆花紫牆隅柿實黃卜居當世世最便守農桑

期與昭茲出游近邨會風雨不果二首

是時距
立冬僅

三
日

數里松筠刺空碧千章楓栢著霜明暮年十事九敗意
恰欲杖藜風雨生

剛儲游具作閒游底事天公苦見讐句我一晴何不可
忍將風雨破除秋

督墳丁芟松下草

穉松千本僅生枝力課滋培敢遣遲三歎老夫今老矣
成陰偃蓋見無時

草堂偶成三首

積水穿苔徑橫林對草堂綠蕉偏耐雨烏柏故宜霜默
坐常縣拂精思別置牀閒中有忙事試茗撥殘香

數揜疏籬匝三門小築寬藥欄扶鬼曰即玉芝也土竈養神

丹喜蠟登山屐慵彈挂壁冠勿嫌貧復病勝覺此心安

差科方擾擾烽火更悠悠有地堪薶骨無天可寄愁桑

榆身事晚楓柳物華秋何限行吟景湘纍惜未收予已卜壽

藏故有第三句

甜羹二首羹雜菰菜芋魁菜菔薯蕷為之不入鹽醯其法自東坡始也

自向深山理食經不須苦羨五侯鯖小筍家釀厚如酪

爛煮畦蔬甜似飴

澹泊中間意味長也知火候要端詳書生倒是酸寒甚
乞與甜羹一點嘗

皆山閣夜坐寄懷聖禪師

燭花成燼篆煙微枯坐藤牀擁褐衣世態慣看翻手易
塵勞深覺到頭非杜門憔悴蝸粘壁涉境憂危鳥觸機
賴有城東香火社盃囊糲袋合歸依

山中藥盡而病未已悵然賦此

黃葉如衰面清霜映短髯三彭差易制二豎固難斫寂

寂收雲帙深深下
荻簾漫苓都不屬太息與貧兼

風雨二首

濛濛小雨逐風斜
倍遣幽人惜物華
閤默病蟬常抱葉
伶俜孤蜨欲辭花
輕黃草變籬根色
嫵綠苔凝壁罅芽
何事最關情緒切
數宵無月挂檐牙

歎息堂堂歲月移
況逢風雨復淒其
無情木葉辭叢薄
多事蓬蒿挂敗籬
累減故應參柏子
興闌先解放楊枝
予去冬已
嫁一妾
中年哀樂消磨竟
一任兒曹取次知

雨後微寒因過鄰曲有作

漸倒荒籬菊初籜比舍春蠶蠅俱削迹蠹螭小留蹤亂
瀑分千派奇雲飲數峯鄰翁疏闊甚一笑暫過從

七年前與曰緝公勇貽上周量相集京師如豐
臺西河沿皆偕諸子所習游者也病中追賦

二絕

芍藥陂前賣酒家曾聯車騎醉春華誰知老向空山裏
猶夢豐臺十里花

病懷衰骨兩支吾記得年時卧酒壚借問河邊扳牋柳
也應顚顚似人無

屢得王十一書賦此寄荅

久矣孤蹤與俗妨敢煩簡札問行藏新篘酒熟聊長醉
舊讀書殘已健忘泉石清妍供棐几煙霞璀璨溢巾箱
吳儂勝事君知否手植茶梅漸漸長

山中雜興四首

月暈風欲起雲斑霜旋濃五行書未熟占候問邛農

雞寒每上距牛怒輒礪角一物一性情門中試商略
葉落先萎黃萍枯先黹紫哀至固有端人生亦爾爾
蝦能幻蜻蛉蝨亦蛻胡蝶問君孰尸之變化爾許捷

病中蒙元禮見訪堯峯且示詩藁一編賦此奉

贈

判無佳客歎柴關嵇阮風流夢想間只擬曳裾游上國
敢期問字到空山短檠聊與支良夜妙語真堪發病顏
慙愧幽栖多簡略枯盤草草暫相扳

元禮自中州歸今將再往故有第三

句

夜雨

寂寂守山邛幽懷莫更論防媮牢設棘畏虎蚤關門

時傳

有虎樹繞風聲厲檐聞月影昏夜闌判不寐敲枕聽翻

盆

家人具精製有感二首

炊徹香秬白似霜家人先餽老饕嘗五經貯腹元無用

未若捐除作飯囊

偶將輟飯沃甜羹舌本甘芳鼻觀清但使明年身未死
餘生決計委躬耕

朱買臣讀書臺二首

山中習氣未全除便逐嚴徐廁殿廬一語能令英主喜
不知所讀定何書

任渠兒女笑迂儒束擔朝朝挾故書未必年來無此客
何人物色到樵漁

露坐

蟋蟀初鳴熠燿飛與君露坐啟柴扉
月天子朗風姨靜斗覺微涼透袷衣

看梅二首

門前積雪侵凍苔十枝五枝犯寒開
老人未肯殺風景且學鶴筆花間來

忍寒谿北邨西頭夜深猶為梅花留
笑殺雄蟲雌蛺蝶緋桃開時方出遊

江上

江上人家近草堂，強扶衰病步斜陽。
晴波似鴨深沉綠，初柳如鵝淺淡黃。
谿友園公聊結社，旗亭酒肆暫逢場。
年來世事諳都盡，不問靈氛亦不妨。

春晴出游

日澹雲輕旋作晴，偶來山脚訪柴荆。
驚麕倉卒衝人過，吠犬回旋尾客行。
高下亂峯當戶繞，零丁危石向谿橫。
蚤知一卷農書是，悔不從前買犢耕。

漫興四首

偏游里社與僧坊醉墨敲斜雜老蒼慎勿署衙前進士
比來誰重甲科郎

蒲柳先秋已覺殘嬾隨北轍走微官慈仁松樹香山雪
畫作屏風枕上看

索居自分老山邨倉卒今逢客款門區處盤飧無異味
桑蟻竹肉當雞豚

偶沾薄祿入風塵竟絆名阻隱淪萬事思量都是錯
他生莫見宰官身

徐步

凭箇邨童代短蓑偶然徐步畫橋西斜陽已是無多了
惟有歸禽稱意啼

予以家事屬兩妾且作治命數百言示之
薄宦無成負

聖時餘生猶悔乞骸遲功名已讓羣兒立門戶要須健
婦持酒美易禁尊畔態樂靈難換鏡中絲不妨抽取閒
身出昏嫁都忘自一奇

春晚

竹萌鮮娛蕨芽肥漸覺窮愁解半園日澹花房閒復欽
風輕燕羽止還飛重尋故篋修紈扇急理新機換袷衣
鄰叟偶然邀野步從容直到夕陽歸

東軒遣興

谿長路復重軒騎絕過從久向空山裏全家占一峯瀑
聲穿澗小花氣覆檐濃自分哀遲極為農近亦慵

雨

高柳參差間古槐綠陰深處鷓鴣哀東山一段雲如墨
散作廉纖小雨來

述山居雜事二首

逸興老逾長終朝檢校忙與花經地界代筍設垣牆
爲看山徹符因調水藏呼童理荒蕪淨訖旋移牀

小園蒿間徑寬編竹下簫束荆簞酒子貸粟飲雞孫
花盡游蠶減林深宿鳥謹本無騶騎到不是杜柴門

留客

黃齋白飯午炊遲
佳客淹留坐少時
戲蝶翩翩排闥過
鳴鳩馴熟映檐闌
復理言前義局罷
重翻敗後碁
歲月只須如此了
任渠穉子笑翁癡

卧病山中蒙愚山先生見投茶箋佳咏王貽上
梅耦長兩君子皆已屬和諷咏之餘足當七
發未能趨候先寄三首

社後槍旗入籠新
馮君少乞敬亭春
比來消渴毋相訝
身是江南水厄人

正屬朱櫻綠筍天好鎖槐火試松泉掉頭紗帽風流甚
有著薑鹽一例煎

莫信諸僮比酪漿解清午夢響詩腸竹鑪石鉞晴雲盪
不是幽人未合嘗

歷數

歷數幽棲事依然習氣長種瓜侵螳垤丸藥攘蠶糧舞
愛花翻纈聲耽鳥弄簧自慙還自笑恰與道相妨

遣意二首

藥鑪丹竈冷於冰
換骨神方未有徵
獨羨淮南僊術就
提攜雞犬亦飛昇

潦水初晴木葉衰
寥天一抹雁飛來
緋桃細李千千樹
不過春風不敢開

次韻石門吳孟舉種菜四首

相國何如園父尊
天達雲路不須捫
空山大有娛人處
但了殘書咬菜根

細雨隨風整復斜
矮黃嬾白屢生芽
花間蛺蝶曾為蠹

葉底羸牛別字瓜

籬脚霜莖肥可把架頭風蔓老堪捫斜陽行菜若羸了

大好讀書秋樹根

滿徑黃花翠葉斜肯容蕭艾濫萌芽蔓菁蘆菹甜於蜜
不要園官屢送瓜

松江吳六一丈出王子勤中所繪芍藥黃鶯索

題走筆五絕句

山家臺榭向來寬何限名花壓藥欄馮仗黃鸝鬪媚好

肯教容易落金丸

朱朱白白兩參差
賸許啼鶯占一枝
從此梅花書屋裏

四時多作豔陽時

六一家有梅花書屋
即眉公徵君故居也

昨日穠華轉眼空
斜陽隱隱見賓鴻
誰知菊倒楓凋後
收拾餘春在卷中

揮毫恰遇賞心時
愛寫修翎與折枝
記取風流似摩詰
畫中真有五言詩

步障回廊映綵霞
不知紅豔發誰家
鈍翁已分蓬蒿老

喜展丹青見此花

出游諸邨往往抵暮始返

或升兒子或輕舸數里湖山肯憚遙呼我不妨頻應馬
逢人何敢遽稱貓花繇愛向僧房乞酒熟欣從里社招
屈指餘生知有幾笑言聊復永今朝

遙送蒲草北上二首

輕颿眇眇背冥鴻去泊枯蘆折葦中老病恐無相見日
為君雙淚洒西風

京華故舊比何如
倩爾行人候起居
身拔嵇康今更嬾
不曾有與巨源書

聞甫草凶問予既為位以哭明日作四絕句寓
哀

從來才譽冠羣倫
骨相誰知晚最屯
太息東南風土薄
江湖不復有斯人

臯復難招已逝魂
祇留書札數行存
交情最與時賢別
敢惜麻衣慟寢門

生別何如死別悲，可堪寂寞屋重帷。
淚痕點點衰翁血，不為窮交斷不垂。

學識雖長命不長，誰司造物迴茫茫。
有人解叩通明殿，願附青詞問玉皇。

客有規予入山者賦答二首

竟攜農具止山坳，保社中間締暮交。
哀樂有情那易免，時方哭勲名無福不妨拋。
團圞碁舊勢心慵記，丹藥新方

手健鈔莎徑華門，殊寂寞判將玄白受人嘲。

山中風味頗蕭然羞說東方執戟年
煙笠雨簑窮活計藥鑪茶臼病神仙
檐前只曝堯時日胃次頻憂杞國天
但使時清身老健此生甘共細民編

今宵

餐風號北牖快雪壓前檐病久詩才退
狂多酒力添藝殘香獸小煨熟芋編甜
飽煖關心切今宵樂事兼

東軒二首

甚矣吾衰也終年愛養疴山深當兔窟
屋小抵雞窠嬾

架拋書久塵牀卧筆多文殊不可作誰與問維摩

階草方爭茁拼梅乍就蕩忍窮差省事養拙但隨緣美
睡支藤几間游借竹篴家人挑野薺晚飯最欣然

客至

快雪初晴後過從有素交食盤登菜果飲具列陶匏硯
沿微融凍盆花漸吐苞知君多道氣玄白不相嘲

風雨二首

鳩聲未了覺聲譁陣陣顛風逐雨斜掀屋卷茆吾不惜

但祈風伯赦梅花

泥潦連邛阻客行祇應簾閣杜柴荆
天公似厭詩人閨
壞盡梅花始遣晴

老友既庭暨王子咸中連許過予山莊

湖山數曲接橫塘聞有嘉賓款草堂
穉子倘能供灑掃
小妻猶足任排當三升黍酒傾香碧
一寸蔬芽翦嫵黃
明月滿庭花滿徑為君隨意設繩牀

僧恭密乞竹影菴主詩

叢篁百尺繞烟扉中有山僧結伴依
恠石寒泉充淨供竹鍼麻綫補禪衣
巾將華艷從容綰拂借青松左右揮
何日得隨都講後白椎時節乞玄機

送友人之官京師

老去深嗟會面稀
況逢鷄首指京畿
綠楊芳草漸爭發
紫燕伯勞相背飛
殿上香烟濃惹裛
道旁輦土暝侵衣
太平事業須公等
留取衰翁守釣磯

桃李

緋桃穠李各輕盈
漸逐東風弄晚晴
慎勿嫌渠俗到骨
賣花擔上正施行

漫興二首

富貴由來泡影虛
幸辭香土乞閒居
裴池故院無名畫
傳寫前賢未刻書
蔥齏作料分畛域
李梅成列覆庭除
直饒金紫銀青好
未似先生樂有餘

姓名不復挂塵寰
分與羣賢絕往還
種菜議租旁舍地
設扉圖對隔谿山
訪求丹藥緣身病
撫榻黃庭賴手閒

怕作熱官真爛熟故應長物屋三間

過亡兒筠箐菴二首

入門無復整衣迎臺面荒涼半就傾
筌竹生孫梅結子傷心怕到箐菴行

空亭依舊枕方池畫障雲屏不復施
嗟汝壯年猶至此老人嬭息幾何時

東鄰小飲

江岸春無限鄰家路不迂
招攜綠社肉拱揖有邛儒花

柳資吟嘯衣冠入畫圖暮歸猶老健若乎不須扶

一春

凡百俱如昨惟增鬢髮斑養疴須小息作活要常慳屋
角籠嘉樹牆隅出亂山幽栖了無事飽享一春閒

有餽筍者戲作

日午紫門猶未開怕逢俗客侵蒼苔今朝謁入道然喜
殆為此君之子來

願得二首

林間布穀一聲鳴桑田陰陰麥隴平願得世為鄉有秩
緣袍皂蓋勸春耕

一邨姓氏比朱陳努力耕桑不患貧願得與渠輪社戶
共攜簫鼓樂田神

王勤中歲寒圖為尚上人題二首

瘳骨蒼髯覆佛龕仰陵霜霰俛烟嵐問誰曾見開山日
惟有孤松是老參

一枝和月照寒潭絕少幽人曳策探夜半暗香禪榻畔

不妨便向鼻端參

感事四首

聞道征南將羣推頗收良旌旗昏白晝歌吹沸斜陽少
府持籌急中權運策長

王師無戰陣坐見井鼃亡

日者凶門鑿於今未奏功啼鳥栖幕上巢燕乳林中芻
牧三方徧征徭萬國同

廟堂頻旰食何以慰

宸衷

稍見鐵鷹附猶聞躍馬爭荆襄空守險秦越又徵兵
燐火明荒草妖狐歎廢城遺黎俱野哭回首憶昇平
太白猶芒角天心詎可知興僮皆仕宦保社漸流移
反側情難測誅求力不支病身方忍死願見凱旋時

好事

好事如君少山齋乃爾幽異書踰萬卷名帖半雙鉤
石向湖中得香從海外收眼前無俗物一笑暫淹留

姑蘇楊柳枝詞十首

江干楊柳拂行舟多少離人淚未收
不向胥臺高處望何因知有曲中愁

臘盡寒威尚未銷淺黃輕碧影起超
費他烟雨知何限只替東風染柳條

梅花狼籍杏花香別有長條拂水長
幸得免當來往路任和烟雨罩鴛鴦

搖曳長條覆廣津分明畫出渡頭春
倩誰更落徐熙墨

添箇春江喚渡人

露華濃裏曉寒多
細葉青青蘸綠波
馬上有人看不厭
擬偷新樣入雙蛾

一番風信過江城
無數長條折又生
記取春陰好時節
粥香錫白近清明

池塘三月柳陰成
纔渡斜陽幾點明
枝上黃鸝身不露
好風忽送兩三聲

望中烟樹繞層樓
少婦馮欄思不休
悔不從前種桃李

金少卿八
卷四十七
免教容易觸離愁

白玉堂前發數枝
妝成每自下階墀
中庭不是無花看
獨為清陰立少時

漠漠飛花嫋嫋枝
朦朧煙日最相宜
南朝張緒今衰老
都把風流遜與伊

後楊柳枝詞七首

又見春光上柳梢
一春常並酒旗搖
年年牽惹游人思
都在紅欄四百橋

雲後花前濯濯新
兒曹扳折敢嫌頻
祇愁來歲風情減
輸與曾披鶴氅人

綠隄並岸最嬋娟
不帶東風也帶煙
眉葉似顰腰似軟
故應常背百花眠

層層綠漾晴空欲
闌深紅與淺紅
待得小桃多著子
也將飛絮嫁東風

花落寫啼水寺前
那堪柔柳更生綿
行人到此休輕折
留取清陰覆畫船

亞字城西萬萬行翠帟綳帶背時妝風流要是無人識
自對東風舞一場

樹色依依冷食天幾多繡轂錦連錢分明少日游仙夢
魚藻池頭水閣前

晚歸山莊

遙望堯山路輕舟向草堂雞聲小聚落樹色古陂塘一
水生寒閣諸峯障夕陽偶然乘興往未暇計行藏

晴日出游近邨

雨後秋光迥未殘
竹扛兜子恣游般
邨邨妥雪蕎花白
樹樹蒸霞柿葉丹
賸借禽魚供逸興
儘驅詩酒佐清歡
寄聲為報知交道
挂了塵冠不用彈

堯峯文鈔卷四十七

欽定四庫全書

堯峯文鈔卷四十八

翰林院編修汪琬撰

今體詩五

共一百三十二首

和嚴武伯永花詩為許青浮賦

百卉俱未拆
冰花獨燦然
艷當殘雪後
寒占蚤梅前
不信朔風力
能攘東帝權
晨曦行可待
猶騁片時妍

對桃花作二首

玄鳥差池紫蜨新
夕陽低映小園春
桃花未必迷來路

直是無人解問津

偶然乞得數株栽便有飛英點綠苔
應笑蟠桃太遲鈍
千年方見一花開

出游

披衣擬問向山程
乾鵲飛來作意鳴
身欲游時仍老健
花當發後恰晴明
家人豫整琴書待
童子先操几杖行
社酒正清羹粥美
可能寂寞守柴荆

山中游僊詩四十首

有小序

詩家小游僊此白樂天所云九奏中新音八珍中異味也今予所作又與唐宋以來者小異蓋欲極文字之變以示山林之樂爾姑妄言之姑妄聽之可也

門前澗壑上虛空畫斷塵凡迥不通除是施符兼賣藥偶然身到市塵中

茅屋三間不染塵松風蘿月獨相親空山不要閒錢使點得黃金別贈人

黃精巨勝繞谿生服食多年骨漸輕只恐嫌疑干殺戒

杞根如犬不教烹

端坐繩牀理篆煙
擬箋易卦未終篇
擲楮畫水兒嬉事
棄置神通五百年

要插金貂侍玉宸
暫從福地養閒身
人間宰相成何事
卻誤盧郎隔兩塵

只種琪花采玉芝
此身久矣遣三尸
生年甲子都忘了

略記羲皇畫卦時

自是僊都降謫身
偶來遊戲了前因
收豬牽犬皆容易

怕作天邊守廁人

攜得丹壺與藥函，獨尋洞府占嶄巖。
上清錄上書名氏，羞受山中宰相銜。

芭蕉滴露竹凝煙，曉氣激清物態妍。
手拂茶頭玄玉硯，明窻點勘洞靈篇。

欲求丹藥固形神，每為無師未得真。
滿坐談玄堪一笑，只應傭客是奇人。

從來巖洞隔塵氛，誰共談玄入夜分。
鬻取琪花瀝雲液，

擬飛折柬約茅君

凡有陰符鼎有丹降真一炷儘盤桓山君代守林間杏
社鬼分供醺處壇

洞中花樂四時栽牢鎖重扉不遣開為是玉桃方著子
直須防有歲星來

肉芝火棗未為珍難侑流霞一醺春傳語麻姑肯相憶
不妨為我脯麒麟

流連樂肆酒家樓酒跡人間幾度秋昨訪安期到東海

采雲一朵作扁舟

怪石幽泉曲繞邨道旁藥草襟蘭蓀世人幾箇能相覓
未要乖龍守洞門

謫向塵寰近百年敢希幢節下雲烟而今嬾應虛皇制
合把文章讓鬼僊

偶來城市值親知驚怪容顏似小時欲識起居奇訣否
不過服液漱華池

睡訣由來自有真漸調心息欲通神夢中已了飛騰術

夜夜朝元向玉宸

養得青鸞骨相奇松間月下舞襪裊任渠
嬋喫瓊田草
不愛升天未要騎

自分平生似蝨魚愛穿經籍畧無餘
玉皇若賜先生號
乞掌瑯嬛洞裏書

醉舞狂歌衆共譁畧施狡獪也堪誇
空中喫酒俱成雨
坐上懷錢旋得爪

解后諸真下白雲邀來對奕賭清尊
斜陽滿地松陰轉

却賺樵人訪子孫

留客無煩殺不鳴胡麻飯
輒玉漿清煨來白石形如芋
鬻就黃精味似錫

來耳仍雲杳莫尋人間歲月易
駸駸眼看清淺蓬萊水
不覺回頭已陸沉

松露泠泠桂魄明酒酣屢自度
新聲人間絲竹不中和
乞借雙成白玉笙

自入深山不記年花開花落報
春天社公雨過青泥潤

鞭起乖龍耕玉田

竹徑松籬一兩層
愛除歲葉翦荒藤
門庭須是常修潔
要候侂年帶宅升

壽藤珍木影紛紛
谷鳥鳴春不記羣
開徧緋桃三萬樹
外人遙認是紅雲

精思牀上坐閒身
稍悟光天似宿因
但使羣真容受易
不妨長作守門人

慣學冥心慣隱形
洞門寂寂不煩扃
誰供汲水看丹竈

半是飛符役六丁

碧桃丹草繞汀洲
況有瓊漿注玉甌
似此洞天留不住
笑伊劉阮未風流

鬚能返黑頰重紅
游戲塵凡迥不同
除廁種蔬雖賤役
姓名標在玉函中

來往名山疾若飛
囊中攜得彩霞歸
相煩玉女親裁翦
要製朝元五色衣

玉芝石髓每嘗新
兼鍊松脂不厭頻
他日身毛俱紺綠

飛行驚殺採樵人

飄然醉下市樓時過客傳觀壁上詩
怪殺數行殊黯澹
不知是墨是榴皮

門前累月絕行蹤坐守丹爐不啓封
竹枝一枝斜倚壁
無人知是葛陂龍

寂寂花陰夜色賒降真香燼月輪斜
下壇手寫朝元曲
不倩人間蔡少霞

盛取流霞與客嘗慙無一物侑瑤觴
半酣忽出消梨實

破鼻清芬冰齒涼

年年山下守茅茨爭訝升騰乃爾遲
合取藥成猶未喫
直緣身戀太平時

後游僊八首

在史館作

西風昨夜起瀛洲
贏得羣真箇箇愁
寧但蓬萊水清淺
琪花瓊樹也含秋

紫殿頻催應制詩
侍書僊子擁瑤墀
擘窠巨筆從頭埽
但乞銀河作硯池

夜半瑤池宴月明嬾聽瑤管太縱橫狂來走向松陰下
獨自攜琴弄泛聲

天上材華又一新幾多牛鬼與蛇神修文老吏迂疏甚
不是瓊樓作記人

藥鑪金按坎離安每轉惟憂火候難山鬼纔知一歲事
豈堪役使守神丹

釀桂餐芝已有年願將身附地行仙平生解笑拖腸鼠
枉自飛騰不到天

急擬全家赴隱居
手籠雞犬上柴車
不知道側青牛叟
何事淹留愛著書

遠離塵土返巖阿
玉洞深嚴鎖閉多
回首長安舊銅狄
幾時相見再摩挲

藝圃小游僊六首

課罷黃庭日欲西
偶然鉏藥繞幽谿
昨宵雨過青泥潤
新長芝苗數尺齊

盡日焚香禮太空
的應騰入九霄中
乖龍要是難驅駕

喚取池邊赤鯁公

竹釘門扉荻織芭
澆花鋤藥是生涯
飛來采蝶大如燕
開徧碧桃紅似霞

小飲休辭力不勝
呼童頻翦九光鐙
手中栝是蟠桃核
的貯流霞四五升

滿巖桂柏起秋風
鸞鶴排煙下碧空
聞道茅君夜相訪
旌幢小駐月明中

松籟泉聲遠近聞
重樓綵綉入層雲
擬將身附門牆列

乞取先生十賚文

藝圃竹枝歌四首

池上花開照眼明
流萍無數雜飛英
一雙紫燕貼波去
三寸銀魚吹浪行

鷓鴣翡翠滿沙棱
垂柳垂楊綠幾層
好雨忽來新漲闊
阿儂準備打魚罾

數畝清漪弄晚風
南邨邨口水濛濛
鴛鴦飛去望不見
疑在枯荷折葦中

紅蓼青蘋九月天
澹雲如水水如煙
畫橋側畔好楊柳
合繫儂家書畫船

邨邨

邨邨菜麥連出戶
即欣然細路垞南北
良辰社後先
新煙榆木火初日
杏花天屣步差能健
無煩上竹簾

聞子雋

杏花結子箭抽萌
小鳥飛來哢曉晴
久與淵明相輩行
敢勞苦語再丁寧

怡老園訪王子勤中留贈

君家第宅百年遺雅興炎天物色宜楊柳小橋通窄徑
芙蓉曲岸枕平池鵲鑪細細焚沈水鵝絹時時寫折枝
但卷畫簾馮渠几全勝蓆履治游兒

午眠

檻竹綠初勻清風繞戶頻體中差少病心上漸安貧小
展桃笙穩平張葛幔新午窻眠一晌最稱暮年身

姜子學在所居即文文肅公藥圃也感賦二首

曾為安石墅屣步倍淒然苔沒圍碁石萍侵洗硯泉橋
心敲斷版亭面拄危椽依舊煙波好年年艷清蓮

東山高卧日亭館迴參差竹影團書几花香入酒卮地
鄰俠士冢名在黨人碑門客今零落猶傳妓從時

再題姜氏藝圃

隔斷城西市語詳幽栖絕似楚人家屋頭棗結離離實
池面蘋浮艷艷花隼几只攤淳化帖雪甌頻試敬亭茶
與君企脚揮談塵楊柳陰中日漸斜

離索二首

離索亦已久幽懷未易降
草生都覆徑樹密頗妨窻
入幕容雖燕應門仗小龍
漁舟無出入常繫綠楊椿
繞垣牽薜荔綠砌上莓苔
身計霜前葉名心死後灰
引枯聊遣悶儲藥漫扶衰
門牡何須上元無好事來

李明遠過予歸來閣

好事誰相訪扁舟祇見君
入門驚老態促席話新聞
山色迷青靄松聲繞白雲
邨居多簡畧幸勿責儀文

坐王咸中池亭

楊柳芙蓉次第栽，一泓寒鑑復新開。
羣飛白鳥潭如鶴，散繞青蘋半似苔。
垣短不將山翠礙，廊虛能引月明來。
谿鱗信美邇酤熟，莫怪游人茗芋回。

贈疊山王君海

但得栖身洞壑間，飲看山色只如閒。
不知貴客緣何事，拷拷量金換假山。

葺理山莊訖有感

攀竹葢茅茨幽栖正及時風翻黃葉急雲度碧空遲事
佛耶嫌佞還書不諱癡惟慙衰態劇零落鏡中絲

雪霽

風吹餘雪繞紫闌凍雀成羣去復還喜共幽人馮畫檻
恥隨稚子弄氷山疏煙細嫋空濛外殘照微明竹樹間
歲計有無姑勿校暫賒邛醢煥衰顏

堯峯八咏

有小序

王子咸中謂予曰堯峯奇麗甲吳下吾子居此六年凡

遇勝絕地不能一一吟咏其何以慰山靈乎予唯唯因
疏數題命予各賦五言絕句予矢口而就愧其非工聊
用為來游者前導爾

寶雲井

井在舊免水院相傳寶雲
禪師所開其味最為甘寒

松間涵古泉下上百尺綆值此槐火新客來鬪奇茗

露禪菴

明萬厯中湛川法師所
創菴後有大石可觀

老宿昔開山門庭頗卓犖焚香卯塔前歎息高風邈

大龍洞

洞在露禪菴後自洞口迤邐至觀
音巖奇石林立推為一山之勝

此是龍所家忽挾風霆去石上空爪痕飛騰不知處

響泉

泉從山顛逶迤而下入盧氏墳池雨從聲如暴雨餘日亦清駛可玩

在山聲淙淙出山流泯泯誰家灌園翁接竹遙相引

小龍洞

洞在山麓與大龍洞絕相似

潛通上穴天迤邐出煙霧慎勿撼洞門恐遭伏龍怒

松塘

湛川法師植松數百本今頗為俗僧所伐

修幹嫋薜衣細皺紛艾納幽人抱琴來埽石坐明月

竹徑

徑為登山所必由者修竹萬挺數里不絕

陰濃數里中春禽啼遠近雨過園頭忙編籬護新筍

千人坐

陂陀數畝父老相傳為明嘉靖中營兵誅倭之地天陰時輒聞鬼哭

堯童拾遺鏃知是古戰場日落松聲起如聞弔國殤

消暑

從來消暑無奇策惟有杜門推第一梧桐葉大涼陰生
梔子花繁暗香發齊紈團扇暫離手粵葛短衫微露膝
竹牀幾几樂何如讀書與睡中分日

可盤灣贈李子恪臣

數重籬舍枕湖干，擘盡秋光不遣殘。
繞徑泉聲雲外出，卷簾山色畫中看。
楓林漸赤猶含翠，橘實纔黃薄帶酸。
最美主人能愛客，旋燒芋栗佐杯盤。

次韻訪李翁柱元

輕颿漾斜日未晚，到門收籬落寒煙。
集谿山翠靄稠新，知如舊洽秋色。
視春優悔作求名客，輸君占一邱。

次韻訪岑公不值

草草三間屋，枯茅一把遮。
畦蔬寒漸甲，籬茗老猶花。
雲

覆齋厨冷風翻挂笠斜不知行化處惆悵暫回車

橘香巷

巷借橘為名門前古路橫竹侵衣袂潤雲繞脚根平勝

概畫難似高臺營未成主人能楚頌島可遜才情

時岑公方

築招
隱臺

包山寺

風物最清妍禪栖已有年當門重澗曲匝屋衆峯圍竹

是先師植碑元勝國鐫鐘樓雖擅勝零落半無椽

毛公壇小游僊詞四首

羣石參差滿路橫
黃芝赤箭逐年生
只疑猶有遺丹在
絳氣通宵徹太清

檄取山靈埽洞門
歸來重訪舊壇雲
月明時節開清燕
先約南鄰墨佐君

玉節珠幢去已遙
獨留殘石鎮山椒
愁渠變化成羊後
喫盡黃精數頃苗

壇上亂松高百尋
松花堆積丹池陰
劉郎一去不知處

滿樹白雲啼翠禽

游洞山

龍潭在其下

名山逢勝日取次共登臨
龍卧亭泓穩人穿犂确深
叢生多異藥清轉或僊禽
猶愧塵心在金庭未及尋

洞庭橘枝詞二首

有小序

西山之人商於湖廣者多予故仿葉水心橘枝詞體以
招之

阿儂家住橘林旁郎乘大舫向襄陽
寄郎只寄雙頭橘

蚤紅差勝襄陽黃

郎行時節橘花零南風吹來香滿庭今年橘實大於斗
勸郎莫羨楚江萍

留別橘香菴主岑公

為我謝支郎幽栖願已償不求梅子熟但愛橘林香骨
以尋詩瘦身緣受請忙浮栢如許渡當即埽繩牀

石公山雜咏七首

一綫天

峯巔嵐靄聚壁上藤蘿翻日落樵人絕時時絕飲爰

歸雲洞

誰運山中石架空作此宇惟應鶴上人常逐雲來去

連雲嶂

孱顏欲干霄鼯鼠騰莫及夕陽楓柏明還疑雲五色

石版

一片平如砥臨流儼畫圖許儂橫舴艋占作釣磯無

蟠龍洞

洞口繞流水洞中卷白雲
那知蟠此者不是洞庭君

石梁

淙淙雨後泉爭向層崖落
一石駕長虹行人愁著脚

石公菴

山僧荷鋤處曲徑頗幽絕
籬外客來稀款冬花似雪

洞山雜咏六首

賜谷洞

洞中耀陽烏益覺煙景媚
緩緩松陰移人間已千歲

曲巖

幾折上層巖，捫蘿常滿把。露濃嵐徑深，惟見采苓者。

卧龍石

神龍嬾為霖，高卧荒榛裏。蜥蜴竟何知，成團戲潭水。

伏象崖

象王在崖中，百獸敢侮翫。麋麇正相呼，見之輒驚竄。

吳王離宮

梁欂久無存，荆榛冒荒土。時時秉鉏人，斲得折釵股。

浴娥池

瑩泉脂粉香傳是吳娃浴至今葦花中鴛央每雙宿

湖上雜曲五首

湖上芷花香湖中荷帶長
微波明似鏡龍女照新妝
橘社綠參差湖煙菴橘枝鴛央如有意飛上柳郎祠
蠶妾入春忙春風吹女桑
邛邛簫鼓急爭賽水平王
雙鬟小龍女乘月弄珠回
露重綃衣薄呼來舞一栝
人去壇猶在深藏隱姓名
不知柑橘裏可有奕棋聲

軒中即事

北牖風差軟南榮日漸長雲涵硯山潤花壓壁瓶香
竹新書几斑絲舊隱囊莫言無長物麤覺勝王郎

和唐孺含看竹絕句三首

修簟蕭颯覆幽居歎息吾廬絕不如但使主人容容
歛畫船大可替肩輿

羨爾移家海上邨琅玕千箇擁寒雲鈍翁自笑緣慳甚
屏幃中間見墨君

苦無隙地種扶疎只羨簞當谷裏圖身似北人方鬻簞
能分束笋見存無

臂疾大作不離東軒

藥囊茶裏鎮相依歎息身如泡影微久廢著書才思減
漸疎把盞笑談稀瓦瓶花映明窓放石鼎香縈燕几飛
自分風流慙叔寶也因羸疾掩荆扉

久雨不止三首

今年春比去年遲花發頻逢雨過時舍北舍南泥淖甚

卷中欠了討春詩

濕雲幕幕雨沉沉姑惡羣啼繞竹陰病後不禁情思惡
況堪援筆賦愁霖

伏雨闌風滿四天一春花信劇堪憐與花動是經年別
莫怪逢春倍黯然

料理東軒南牆外地廐了

春寒趁曉晴幽事費經營徑石鋪初穩山松植已成藏
花交小葉捎蝶下新鶯送老無多地欣然愜野情

出游

春光方淡沲農事漸謹聞斧為剗桑梓池因浸穀穿山
禽啼竹落野馬暗蕪田解后龐眉叟沿門歛社錢

過石鵲山房

不惜扶衰病頻於此地游貼波低乳燕繞徑蔓牽牛翠
靄千重合青山四面收甕瓶試新茗竟日小淹留

王咸中至山莊以松花餅作供二首

斜陽有客款柴荆留試椿芽與箭萌別為松花出方畧

山家風味十分清

書籤畫卷淨無塵
欄樂庭花觸眼新
清坐相看渾不厭
笑他金谷聚蟲人

題石隴山房

共住堯山隴山房
更覺清笋從磚罅
迸草占石根生不
雨澗長溢無風松
自鳴慙君頻乞記
境絕語難成

看花二首

雪鬢霜髭斗覺加
顛狂猶覓四孃家
已嗟命薄難禁得

何況都將乞與花

淡日輕煙暖氣融
名花爛熳笑東風
平施五色光明錦
疑在齊奴步障中

堯峯文鈔卷四十八